

Saturday, November 1, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

DAMPA BY-ELECTION

Dampa Bial by-election lo awm tura Chief Minister Pu Lalduhoma leh Adviser to Chief Minister Dr Lorrain Lalpekliana Chinzah te'n Model Code of Conduct an bawhchhia nia puhna ah an in sawifiah tawh a, hmalak zel dan tur ngaihtuah mek a ni.

Akashvani News Aizawl zawhna chhangin Dampa bial by election lo awm tura Returning Officer, MCC Nodal Officer ni bawk Pu Malsawmzuala chuan karkalta Zirtawpnia MNF Legal Board hnen atanga Chief Minister Pu Lalduhoma leh Adviser to Chief Minister Dr Lorrain Lalpekliana Chinzah ten MCC an bawhchhia tih puhna an dawn chungchangah ZPM lam atanga insawifiahna an dawng tawh a, hmalak zel dan tur an ngaihtuah mek tih a sawi a ni.

Hetihlai hian AAP Mizoram chuan vawiin khan thuchhuah siamin, October ni 3-a PWD changtu Minister Pu Vanlalhlana'n Phuldungsei khuaa a campaign naah North East Special Infrastructure Development Scheme (NESIDS) hnuaiah Pukzing leh Silsury kawng, truck kal theihna a siam tura awm vek tawh, ZPM candidate Pu Vanlalsailova a tling lo a nih chuan ngaituah nawn a ngai leh tur anga sawi a, Dampa bial mipui te rilru a ti chi-ai chuan The representation of the People Act, 1951 leh The model code of conduct chiang takin a kalh an ti a, India Constitution hnuaia Article 19 (1) (a) a tiderthawng bawk tih sawiin, Election Commission of India hnenah hrem a nih ngei theih nan leh mipui a tithaih te thlavang hauh nan nimin khan Deputy Chief Electoral Office Pu James Miahlung hnenah thubuai an theh lut tih an sawi a ni.

October ni 6 khan Election Commission of India (ECI) chuan Dampa Bial MLA by-election neih hun atan November 11, 2025-a ruat tih a puang a, model code of conduct hman zui nghal a ni.



PTC RECRUITMENT

Akashvani (All India Radio) Aizawl Regional News Unit chuan District hrang hranga thawk tur Part Time Correspondent (PTC) a la dawn.

Akashvani Aizawl Regional News Unit chuan PTC tur hi Aizawl, Hnahthial, Vairengte, Champhai North leh Chawngte ah te a la dawn a, kum 24 atanga kum 50 inkar Graduate tan November ni 14, 2025 thleng dilna thehluh theih a ni.

PTC dilna form hi News Section, Akashvani Aizawl pisa Tuikhuahtlangah lak theih ani dawn a, AIR News Aizawl Facebook page ah download theihin a awm baw k ang.

Hrechiang duh tan AIR News Aizawl Social media page ah leh phone number 8131823773 ah zawhfiah theih a ni.



GST REFORMS

Ramchhunga GST rate thar hman hnuah bungraw tam zawk chu GST rate tih hniam a ni tawh.

GST thar, September thla atanga hman tan ah hian agriculture lam kaihhnawih thil tam tak, a bikin hmanrua leh bungrua te chu a man tihhniam a ni a, hei hian kuthnathawktu'n hmanraw man an senso tur a titlem in hmanraw changkang zawk hman a nih theih nan kawng awlsam zawk a siamsak ngei beisei a ni.

Kuthnathawktute hmanraw thenkhat tiller, sprayer, diesel engine, buhherna khawl, composting machine, harvesting machinery te leh tractor te chu zaa 12 atangin zaa 5 ah a tlahniam a, leitha siamna bungraw hrang hrangte leh tui thehna hmanruate pawh zaa 12 atanga zaa 5 ah a tlahniam a ni. Heng bakah hian bungraw phur motor truck leh delivery van ang chi ah pawh GST chu zaa 28 atanga zaa 18 ah tihnam a ni a, hei hian thlai thar hralhna kawngah senso a tlem theih beisei a ni.

Aizawl bik ah chuan dawr thenkhat te chuan an bungraw tam zawk chu tax exempted an nih tawh sa avangin danglamna a thlen tam lem lo niin an sawi a, GST thar hman a nih hma pawh khan kuthnathawktute lei phak turin an bungrua te chu man man zawka an hralh thin thu an sawi a ni.



RASHTRIYA EKTA DIWAS

India Deputy Prime Minister hmasa ber Sardar Vallabhbhai Patel chu inpumkhatna dah pawimawhtu, Hindu leh Mosolman inpumkhatna chungchangah pawh a thawk tha hle tih mithiamten an sawi.

India Deputy Prime Minister hmasa ber Sardar Vallabhbhai Patel-a pianchampha vawi 150-na puala Rashtriya Ekta Diwas (National Unity Day)" Akashvani News Aizawl in a kawmnaah MZU Political Science Associate Professor Dr JC Zomuanthanga chuan Sardar Vallabhbhai Patel chuan inpumkhatna a ngaipawimawh hle tih sawiin, British kaihhruai Kumpinu sorkar policy a hleilenna nasa tak awm thin a dem bakah nasa takin a dodal a ti a, Hindu leh Mosolman te inpumkhatna a ngaipawh hle tih sawiin, Hindu a nihna angin Mosolman chu India siam lehkha ziaakna pen a pe ang a, hei hian an an thil ngiat pe in an lo pawmsak zel dawn tih sawiin, Mosolman inlakhnan tumte thlemna atan Muslim League a din a, hei hian inpumkhatna a ngaihpawimawh zia a lantir tih a sawi a ni.

Byte: Dr JC Zomuanthanga

India ram inpumkhatna ni (Rashtriya Ekta Diwas/National Unity Day) hi
nimin khan ram pumah hman a ni a, Mizoramah pawh ramchhhung hmun dangte
rualin District hrang hrangah inpumkhatna lam hawia hun hman a ni.

